

欽定剿平三省邪匪方略

正編

一〇五



欽定剿平三省邪匪方略正編卷二百四十二

辛酉年

三月初五日

辛巳

陸有仁奏言連日據探報高三

馬五賊匪經提督楊遇春追入川省南江縣界

賊復沿邊竄至西鄉一帶楊遇春等沿途追及

斬獲甚多並接總兵張鳳札會已隨楊遇春在

西鄉黃草坪地方生擒首逆王廷詔餘匪無多

向小巴山馬家壩一帶逃竄楊遇春緊躡截擊

身...
慶成已派兵就近馳往協同搜剿以期兩面夾

擊其後股之賊經督臣長麟分派官兵痛加截
擊殲斃偽元帥胡滄海生擒老教首馬應祥餘
匪數百人向龍王溝一帶奔竄復經總兵楊奎
猷沿途截剿已乘夜由卦子山漆樹崖一帶竄

入廣元邊境又冉學勝賊匪一股由蓋屋厚畛
子寶雞滴水崖竄至鳳縣白雲一帶臬司王文

湧先因墜馬跌傷腰肋仍力疾在寶雞一帶率
勇巡防一得賊信卽派義首毛得元譚盛等帶
領鄉勇五百名乘夜暗劫賊營殺賊一百餘名
生擒二十餘名奪獲騾馬長矛旗幟甚多鄉勇
陣亡十一名賊於次早前來撲營壯勇齊心抵
敵復經毛得元放箭將在前兇悍賊目射倒賊
匪退避隨由棧道大路黃牛舖北星溝草灘溝

一帶奔竄長麟因高馬等逆已入川境卽由襄
城留壩一帶馳往剿辦總兵楊奎猷奉經畧額
勒登保札飭亦卽帶兵探蹤馳剿又伍逆餘匪
裹聚漸多總在老林出沒經畧令總兵穆克登
布等分投進剿於賽秦嶺山根截殺賊匪二百
餘人殲斃賊目二名生擒二十餘名賊匪仍由
老林奔竄經畧現由獅山坪移至四畝地一帶

相機轟擊其高二殘匪一股亦已由蓋屋金井
架西竄又龍紹周等股賊匪探知叅贊德楞泰
大兵將近卽由嵐河鋪通草壩一帶竄入平利
縣境總兵喜明等帶領兵勇在南坪峽一帶殺
賊百餘名賊向豐口壩等處分股奔竄德楞泰
現已由平利獅子壩取道進剿截其東竄之路
並尙有零星落後之賊二三百人在紫陽洞汝

河等處竄匿等因查冉逆等股賊匪久匿老林
以致經畧官兵限於地勢未能卽時殲洗現在
冉逆業已竄出高二餘匪亦漸西趨勢俱殘敗
長麟楊奎猷分投探剿自可不致蔓延老林內
僅有伍逆一股經畧大兵設法轟擊勢不能日
久潛藏一經出林官兵便易施展其龍紹周等
股現經德楞泰勁兵馳剿亦必迅速成功大局

情形已屬易於得手至洞汝河等處竄匿零匪

爲數無多臣已飛飭該縣等查探賊蹤鼓勵民

勇盡力搜捕務期悉數掃除並將各路軍火糧

餉督飭源源運供不敢稍有缺誤

長麟陸有仁又奏言查陝省南山跨越四府一

州袤延二千五百里層巒疊嶂奸宄易藏舊

名五郎一廳實爲居中扼要之地前設通判

員並分汛千總帶兵五十名稽察實屬難周經
前撫臣台布履勘情形請於距廳城十五里之
老關口地方添設重鎮分汛安兵仰蒙

欽賜寧陝嘉名改通判爲同知嗣緣南山未經肅清
各路鄉勇正在分投防剿不能撤令入伍兼以
人民移徙無定一切兵房衙署工作未興而額
設新兵雖經酌定六千之數亦僅據都司黃瑞

於該廳守城鄉勇內挑得六百名是以上年未
將條款章程議定查寧陝鎮應設新兵上年台
布請以凱旋鄉勇補用原欲使習於戰鬥之輩
入伍操防藉以安其身而用其力今若另爲召
募不但山中無業之人半多逃散有業之戶不
肯充當並有鄉勇一途所得口食多於兵丁又
可任其去來不受營規約束人自樂爲鄉勇且

卽使召募足數而以六千名甫經入伍之新兵
分布於二千數百里之汎地在無事之時稽察
奸匪則有餘今賊氛未靖若以之抵禦數百數
千亡命之賊則斷難得力且亦徒占鄉勇歸營
之額於事實爲無益似只可俟凱旋時以各路
鄉勇酌量充補現在山內僅止伍冉二逆及高
二零星餘匪潛伏老林大兵分投搜捕計日卽

可藏功所有善後章程自應先期籌辦謹將現
與經畧額勒登保商定設鎮條款章程繕具清
單繪圖貼說恭呈

御覽伏乞

皇上勅部核覆並請令額勒登保揀選軍營出力諸
悉南山路徑情形之員先行補放叅將以至守
備各缺其千把外委等員容臣等於陝甘出力

弁兵及鄉勇首領內隨時酌量拔補以資駕輕
就熟至各路征防鄉勇歷年應募從軍視殘殺
爲兒戲其情性多桀驁不馴若一營中全令此
輩補充誠恐人數過多難以駕馭尙非計出萬
全是以須間以兵六勇四酌派補伍所有該鎮
額兵六千名擬於陝省未經出征存營兵內抽
撥官兵三千六百名暫爲移駐其餘二千四百

名卽以鄉勇充補除都司黃瑞已於寧陝廳守
城鄉勇內先行挑得六百名作爲新兵外又

臣

長麟前經奏明將所帶隨征鄉勇四百餘名隨
後歸入該鎮又總兵劉之仁於石泉一帶防江
僱募鄉勇七百名亦經稟明額勒登保隨後歸
入該鎮統計已經挑備鄉勇一千七百餘名其
餘七百名仍俟凱旋時卽在各路隨征及各廳

州縣僱募防卡防江鄉勇內揀其精壯者派補
足額至所調各路存營之兵酌定二年輪換如
有願留新營者各聽其便此二年內各營存兵
旣經調出額缺未便久懸亦卽可以各路征防
鄉勇分派充補如此酌定章程庶衆鄉勇勢分
力單處處俱有箝制可以相安無事至撥補該
鎮之外所餘鄉勇尙多亦當預籌安頓現在陝

甘各標遣退殘病兵丁不少正須召募補額應

請俟事竣時按營分大小額數多寡亦卽以各

路鄉勇分派充補似於善後更爲有裨至寧陝

鎮總兵以下應造衙署兵房塘汛等項本應卽

爲勘辦因此時山內尙有零星賊匪工匠難覓

木植磚瓦價值較之平時增至數倍亦只可俟

全境肅清再爲勘估建造再臣等往返札商各

路防守之兵雖不及征兵之整齊而近來操練甚勤疲弱者亦漸知振奮較之各處存營新兵能諳紀律而耐勞苦可毋須換至鄉勇一項有隨征日久每營千數百名者卽與兵丁無異又有各廳州縣隨時僱募賊近則守城守卡守江賊遠卽撤者亦爲數不少皆係習練已久於堵剿尙爲有益今若再爲添募多一勇卽多一費

而新募者鎗礮器械未備不能收目前之效現
在賊勢窮蹙官兵到處克捷各村莊民勇自經
激勸之後頗能齊心成功自在指顧亦可無庸
另行添募以節糜費均奏入

上命軍機大臣傳諭長麟陸有仁曰陸有仁奏稱生
擒老教首馬應祥及首逆王廷詔等皆係額勒登
保長麟曾經奏過而於冉學勝一股竄入甘境經

畧會否帶兵赴漢江南岸均未提及前月二十九日據額勒登保奏帶領扎克塔爾等並兵勇三千餘名由石泉過江徑赴西鄉一帶督剿續據長麟奏冉學勝一股賊匪由棧道竄入甘境該督已抵兩當迎擊陸有仁發摺時或尙未得前信至所稱龍紹周等股賊匪探知德楞泰將近竄入平利縣境經喜明在南坪峽一帶殺賊百餘名德楞泰由

獅子壩取道進剿一節尙未據德楞泰奏到想德

楞泰趕赴漢江南岸正在與賊接仗俟大得勝仗

卽行奏報陸有仁當隨時探聽確信如德楞泰已

將龍紹周等股賊匪痛加剿殺卽專摺馳奏用慰

廑注至王文湧因墜馬跌傷腰肋現在曾否痊愈

並著遇便覆奏又長麟陸有仁奏寧陝鎮設兵分

汛事宜一摺著軍機大臣會同兵部速議具奏長

麟陸有仁之意以南山內賊匪尙未肅清各路鄉
勇現在分投防堵不能撤令入伍所有應設新兵
俟凱旋時歸入善後事宜辦理未免不知緩急五
郎地方爲南山居中扼要之區數年以來賊匪出
入南山皆經由此地是以於五郎添設重鎮以資
控制俾賊匪不能出入自由前年冬間那彥成剿
捕張漢潮餘匪督兵深入南山未經殺賊勞而無

功近日經畧因在南山搜捕高馬等逆爲其牽綴
稽延持久經畧素爲奮勇斷非有意逗遛總由賊
匪一入南山地險路窄兵力難施現在冉逆業已
竄出南山高二餘逆亦有西趨之勢老林內僅有
伍逆一股經畧設法轟擊賊匪諒不能日久潛蹤
一經竄出額勒登保自必躡蹤追剿其南山一帶
防堵之事尤係該督撫專責若五郎設鎮並無重

兵屯駐聲勢安能聯絡難保賊匪不再行竄入卽
初立營汛衙署兵房未能一律建造亦應擇其要
隘安設兵勇先搭蓋窩棚以資棲止焉有必俟大
功全竣始行募足兵額徐圖善後之理伊等接奉
此旨後務當設法速爲經理俾兵勇足數屹然成
一重鎮以杜賊匪再入之路倘稍有遲延致轟出
南山之賊復又竄入山內則惟長麟陸有仁是問

初七日癸未德楞泰奏言臣前抵安康縣屬之磚

坪知龍紹周等逆東竄飛飭慶溥等探蹤截堵

臣於十六日卽取道蘭河前進十七日途次向

家壩接據喜明柯藩稟報十四日午刻有賊匪

一股由南坪竄至獅子壩當卽率同守備王英

帶兵扼住隘口截擊鎗礮斃賊十數名賊卽退

佔山梁我兵仰攻時忽金竹溝又有賊匪竄出

直撲營盤經喜明酌帶馬隊兵勇衝擊賊遂折
回溝內攀山而遁其山梁之賊經守備王英帶
鄉勇首先搶上殺斃馬賊一名並執旗賊五名
賊又退上極高山頂擲石抗拒據報又有一起
賊匪由水底河南坪峽一帶乘空東竄豐口壩
當卽商酌分兵趕截又報馬賊數十人由小蜂
壩而來卽委令叅領富陞帶馬兵前往追擊賊

見兵至卽又逃回時已黃昏而山頂之賊相持未下隨又添派鄉勇協力攻打並用鎗礮轟擊斃賊數十人賊始敗入大山共計殺賊一百餘名奪獲刀矛旗幟陣亡鄉勇候補外委教壇一員受傷及陣亡兵勇另行查報是夜三更後賊復前來分撲各營卡鎗礮轟擊旋卽大雨直至天明隨探賊由石門子遁出該總兵等一面知

會慶溥馬玉魁等卽帶兵直趨白土關遏其入
楚之路等因隨據慶溥馬玉魁等稟報探知賊
由東竄亦星夜帶兵趕至白土關詎該逆等知
北面有兵遂由南面老林直向東奔慶溥等復
由竹谿縣抄出平利之大漚灣扼截賊匪不敢
竄楚折向八角廟秋山溝老林遁逃查秋山溝
一路直達鎮坪南通大寧之雞心嶺東走竹谿

之豐溪西走大樹河爲三省通衢賊旣入山而
慶溥等官兵迂繞抄截徒勞無濟且平利安康
雖已肅清而紫陽一帶尙有王光祖餘匪千餘
人在彼滋擾隨飭令慶溥等速帶原兵卽赴紫
陽一帶與額勒亨額併力剿辦並令如有川匪
竄來亦卽截剿遏其突入陝境不但顧及江岸
卽楚省亦可無虞當卽咨呈額勒登保查辦

臣

鼓勵將弁兵勇倍道趕行二十日至八角廟有
逃出難民鄧有春余彭氏等三十一名口來營
請票又經哨探兵勇拏獲賊探劉永輔龔學文
等七名訊係派來探聽信息之賊餘無要供隨
卽分別辦理二十一日翻大秋山老林路逕羊
腸又值淫雨道路澀滑仄險處一線偏崖賊匪
過後又復毀塌只得隨修隨行是日逃出難民

梁隆祥董曹氏等八十三名口搜獲落後賊匪
黃新俸張成玉等十七名二十二日由黃龍坡
紫白土嶺沿途又有難民鍾天盛陳殷文等五
十一名又前敵拏獲賊匪唐貴章等十一名俱
經隨時分別辦理隨據探報有賊匪千餘人屯
於謝家灣隔河一帶距我兵六十餘里臣於四
更發兵二十三日早雨勢漸大午刻行至竹節

溪有難民屈顯仁告知前面山梁樹林內有數

百人埋伏大衆屯在隔河文彩溝裡等語

臣

卽

預爲准備令將弁兵勇直上及至山梁地勢稍

平該逆不知我兵識破率衆二百餘人一齊突

出我兵鎗箭齊發立斃賊五六十名又經副將

李應貴叅將馬應國遊擊銜德英額等帶領步

兵抄出其後賊卽紛紛竄下河壩冀圖躡淺過

河正值溪水漲發洶湧急溜我兵趕至河邊賊
衆前後無路眼見晒淺者盡被大水衝去餘賊
悉數殲盡正欲乘雨搭橋無如溪流暴漲人馬
不能站立夜半雨止次早水勢漸退臣先令哨
探覓水過河趕搭浮橋兩處隨即全行渡完途
次據探報前股賊匪大隊昨早已由石渣河而
去文彩溝之賊今早亦已前逃距我兵不過五

六十里當卽催兵翻馬鞍山時又微雨未刻趕

至紅沙溪遙見賊衆在掃箕寨山嘴屯聚臣令

賽冲阿馬瑜蒲尙佐富僧德慶昌穆騰額李東

山馬元等帶馬步兵勇由左邊繞上山梁令温

春色爾滾達勒精阿蘇爾伸達自祥馬文斌劉

彪等帶馬步兵勇由右邊山背而進臣督同阿

穆勒塔珠爾杭阿孫德保富登阿明德唐玉龍

馬濟何君佐等由溝底直衝賊匪望見官兵竟
敢吶喊搖旗前來抗拒時賽冲阿温春等帶兵

由兩邊山梁壓下

臣

又由溝底直前因雨大泥

灣路徑陡仄我兵未能得手只殺賊一百五六
十名餘匪紛紛向十八灣奔逃我兵跟追直至
二十餘里之乾溝又殺賊百餘名擒獲活賊金
占鰲等六十九名時已黃昏雨勢愈大前途又

係箐林未便再進獲有馬騾二十三匹大小旂十四面刀子一百六十三件隨據難民袁林等於獲犯內指出探馬頭金占鰲太旗手陳國太

二名訊據供稱元帥係黃號龍紹周手下四五千人白號原是唐大信今元帥是李顯必只有三千人還有唐明萬一股二千餘人又有小藍

號張家營藍號冉家營共一千餘人五家合夥

原要過江探得大兵前來他們就往東走要

湖廣不想都被官兵截住今並無一定主意總

是探聽無兵地方竄去等語並訊明各犯均係

戰手一概正法其難民袁林等訊係平利安康

一帶被擄之人均各給銀米路票回籍

臣

查陝

省江北南山之內只有冉學勝伍懷志餘匪已

有穆克登布等分兵兜剿諒即日可以肅清又

據沔縣稟報高馬二逆後股餘匪經長麟截剿

只剩二三百人由寧羌之卦子山入川又近接

勒保來信以川北業已肅清惟辛聰陳朝觀李

炳魏棒棒顏勝可劉朝選湯思蛟張添倫等合

夥俱在雲陽奉節一帶滋擾樊人傑冉添泗在

太平白河亦欲前去併合現在督同七十五薛

大烈永寧託雲泰等分投截剿至楚省之徐逆

疊經書麟長齡明亮等分路剿殺勢亦狼狽苟
逆已至興山自必折回川境再查三省現有賊
股俱係各路官兵屢次剿敗殘匪惟龍紹周等
歷年游奕於川陝界上老山之內未得痛加剿
洗刻下人數雖有萬餘多係被擄百姓惟恃走
險苟延殘喘如官兵一得地勢不難立即殲除
頃據探報該逆已竄入川境之大寧二郎壩一

帶該處東走大寧之徐家壩西走太平之黃墩

北走竹山之向家壩長村壩等處第賊趨向無

定萬一被剿情急或恐竄楚臣先卽飛咨書麟

酌派兵勇在長村壩一帶扼要堵截且龍逆人

數較多倘有蔓延間閭更遭荼毒茲臣於二十

六日已至平利大寧交界之黑虎廟惟有趕緊

剿辦毋論該逆奔竄何處總以剿除淨盡再辦

他股較爲妥協連次打仗受傷兵勇數人容俟
另報奏入

上命軍機大臣傳諭德楞泰曰本日德楞泰奏報仍
不過追剿龍逆股匪雖疊次截殺僅殲賊一百五
六十名並未能將首逆殲擒殊不滿意惟未令龍
逆竄楚逼入川境之大寧二郎壩一帶德楞泰卽
帶兵至平利大寧交界之黑虎廟趕緊剿辦所見

尚是現在春令雖時有雨降尙不至如夏令之多
德楞泰惟當趁此賊匪乏食之時迅卽剿盡不可

藉口兩大官兵難行致有延緩至楚省賊匪較多

兵力實單未足深恃豈可再令龍逆竄入德楞泰
務於平利大寧交界處所將龍逆股匪迅速殄平

卽或一時未能剿淨亦祇應逼令入川斷不可越
入楚境德楞泰前曾飛飭慶溥喜明馬玉魁柯藩

等扼住隘口堵賊竄楚之路倘稍有疎虞致令龍
逆竄楚則德楞泰及慶溥喜明等均當一併治罪
所有此次打仗陣亡鄉勇候補外委敖尅著各部

賜卹

上又命軍機大臣傳諭額勒登保曰龍逆一股現經
德楞泰躡蹤追剿額勒登保曾否帶兵至漢江南
岸所剿究係何股賊匪抑或因再逆竄入甘境未

經過江仍在北岸督剿前此生擒王廷詔究係如
何擒獲至今未見奏到且冉逆一股竄甘業經長
麟帶兵前往兜截額勒登保想早已得信何以亦
未據奏及至竄匿南山之伍懷志及高二餘匪前

經額勒登保派令穆克登布等在彼搜捕是否得
有勝仗及現在如何設法殲擒之處額勒登保身
爲經畧自應通盤籌畫以期剋日蕝事並著將現

在打仗殺賊情形隨時速奏以慰廛注

初九日

乙酉

額勒登保奏言據楊遇春格布舍呈

報高三馬五賊匪因王廷詔已爲我兵擒獲驚
惶無措晝夜向深山老林亡命逃竄我兵緊跟
追剿二十一日黎明冒雨追至長漕漆樹梁等
處正遇該匪在彼掠食遙見官兵盡棄食物竄
上左手大山林內逃竄我兵奮力搶上追趕數

十里殺賊四十餘名生擒三十一名是晚雨勢
益大泥深尺許官兵奔馳跋涉備極艱辛該匪
仍於西鄉之巴山林內輾轉藏匿慶成亦督率
將備各帶兵勇於大竹河皮貨舖雷石坡等處
分投探剿均有斬獲并拏獲賊目劉以和一名
據稱賊營內連日歸集潰散之衆尙有四五百
人畏懼官兵百十爲羣倏東忽西並無一定去

向惟思依傍老林輾轉藏匿乘間再尋別股合
夥等供總兵九十在鍾家溝接到慶成知會又
探有賊匪出沒老林派令都司海進龍帶領官
兵由大壩關前進九十帶領官兵由舊司河前
進殺賊三十餘人生擒二十餘名都司海進龍
躡蹤緊追二十五日在樊家嶺見山上有賊海
進龍率兵仰攻賊匪滾放木石正在抵禦不料

旁有藏匿賊匪突出該都司猝受矛傷陣亡各
弁兵勇憤恨極力進攻該匪由李子坪牟家壩
小壩西竄日內楊遇春格布舍張鳳等已在搜
剿慶成由柳樹店二郎壩趕過法慈院向北抄
截九十現抵黃官嶺一帶該鎮將等已分數路
截剿定可卽期得手臣連日由三郎舖進抵柳
樹店本擬親督楊遇春等一路將高馬等賊乘

勢一併掃除再辨別股無如該匪等竄越深山
老林迄無定在且賊數究已無多楊遇春所帶
官兵足敷剿辦刻據探報龍唐等逆自德楞泰
過江進剿後該匪聞風東趨德楞泰等領官兵
由東面之關垵向西赴曾家壩八卦廟一帶截
擊慶溥喜明馬玉魁柯藩由南路之會灣渡船
口截剿賊匪未及入楚在曾家壩分爲兩股一

向得勝坡鎮坪逃竄一向文彩溝鵝坪逃竄德
楞泰此時定已自東向西追剿并探紫陽之六
道河斑鳩關一帶亦有龍唐等逆分股竄匿之

賊并聞川東雲陽一帶辛陳湯劉等股經七十
五薛大烈等於紀家寨沙沱子截剿得獲勝仗
賊匪未得東趨其勢必仍竄太平及界連西紫

一帶查西鄉之王黑壩毗連紫陽係屬賊匪往

來要路並逼近江岸近來春雨連綿江水雖已
漸漲第恐賊勢股數分歧隨處逃竄或致過江

東奔尤屬可慮

臣

卽赴王黑壩一帶迎探各路

賊蹤相機辦理

臣

現又札飭楊遇春格布舍等

務須趁賊窮蹙之際鼓勵將士不辭勞苦將高
馬二賊迅速掃除其長麟前次所剿高馬後股
賊匪王凌高等現亦至附近一帶楊遇春等亦

可探蹤兼剿臣帶兵東行西鄉柳樹店一帶不

可無兵現又知會慶成如能與楊遇春等夾攻

數日內蕨事實屬幸甚倘高馬賊股逃去有楊

遇春等辦理慶成仍當帶兵轉回於此一帶聯

絡聲勢臣因各該匪分竄所帶之兵均經分派

各路剿賊現在所帶兵力無多如抵王黑壩時

察看情形緊要將慶成官兵酌調協剿亦可得

濟至穆克登布豐紳剿剩伍逆股匪在南山內
輾轉逃匿地勢過於險阻屢次進兵不能得手

上月二十一二日又自段木橋向東南竄逃穆
克登布等探蹤進擊殺賊三十餘名生擒十七
名該匪於甕兒溝恃險抗拒穆克登布等一面
派撥官兵繞向賊東之黑溝口擇要堵截一面
設法轟逼已由金井架虎豹河西竄

臣復札飭

該鎮等務須併力卽西向追剿斷不可使賊復入老林並飭總兵劉之仁率領兵勇趕赴小王澗剪草坡一帶杜賊東竄要路但使逼出南山卽可施展兵力易於辦理其冉學勝股匪近日已竄過棧西三岔及湖甸烏寨一帶長麟率師由兩當太陽寺太白埡迎截臣調總兵楊奎猷帶領兵勇二千餘名據報向華陽二郎壩前進

已飭令趕往長麟一路併力趕緊剿辦

額勒登保又奏言據楊遇春格布舍等報稱王
廷詔高三馬五賊匪自於南江地界被剿後盡
向川陝邊界老林逃遁十二日晚間我兵追至
西鄉之裴家坪探知該匪竄至巴山麻柳池一
帶相距七十餘里楊遇春等於三更發兵黎明
趕抵該處該匪業已起竄卽率兵趕出五十餘

里至戴君嶺地方追及賊匪我兵先到者不過
百餘人賊見我兵甚少卽聚衆從山梁壓下我
兵併力抵禦擒斬五六十人我兵大隊已到步
行之賊奔上山頂箐林內遁去騎馬之賊順從
山竄逃逸楊遇春率同總兵張鳳副將應元寬
叅將張超張瑗遊擊李東宣唐文淑雅金泰司
國屏朱槐吳廷剛劉秉揚等帶領步隊官弁兵

勇上山分路追剿而騎馬賊匪中料有首逆在
內格布舍率同侍衛傅陞噶拉噶達鼐定色鼐
協領全德清善帶領馬隊官兵卽由山徧趕去
沿途殺賊五六十人騎馬之賊見追兵將近盡
棄馬驟扒上煎茶坪山梁箐林內官兵亦棄馬
搶上山林當有吉林藍翎甲兵德勒奇善見有
一賊慌忙行走正在扣箭欲射又見賊衆齊回

擁護德勒奇善大喊餘賊驚逃拋棄弓箭猛力
向前將該匪攔腰抱住德勒奇善恐爲衆賊搶
去急喊人用刀連砍二等侍衛噶拉藍翎侍衛
定色鼐等帶兵上前接應將此賊按捺於其身
上搜獲布包內有畫像經卷該犯自稱爲王廷
詔擒縛到營其餘將弁兵勇仍奮力捕殺該逆
等遁入後山老林時已更深不能再進張鳳一

路亦於林內撲獲賊匪八十餘人連格布舍一路擒獲賊匪共一百二十餘人均係積年戰手均卽正法此乃是日打仗殺賊生擒王廷詔之情形也查前奉

諭旨徐添德王廷詔爲起事首犯有能殲擒一名者官員則加二等陞擢兵勇則超補守備賞銀二千兩當經行令各路領兵大員欽遵辦理在案

此次藍翎甲兵德勒奇善將要犯王廷詔生擒
楊遇春格布舍等查問屬實當卽請宣

恩旨將甲兵德勒奇善加二等換給五品頂戴花翎
并遵

旨將銀二千兩發交賞給德勒奇善碰頭祇領榮幸
非常凡在營將弁兵勇以德勒奇善旣得超陞

復邀

厚賞無不嘖嘖稱羨共願爭先立功楊遇春格布舍
等又將節次滿漢出力人員保送前來臣以首
逆祇獲一人餘匪亦未辦竣寔不敢遽懇

加恩但思生擒首逆王廷詔固係德勒奇善一人之

功而噶拉定色鼐二員亦皆身冒矢石從旁接

應並查此股王廷詔高三馬五等逆自臣於漢

陰地界連次剿潰後竄至藥壩經楊遇春格布

舍等躡蹤剿辦由陝竄川由川竄陝將弁兵勇
等兼程追逐不分雨夜不避艱險帳房不到則
皆露宿糧米未到則皆枵腹非各官兵人人用
命毫無懈怠亦不能致該匪等如此殘敗當茲
追剿萬緊之際若不酌量懇

恩獎賞亦不足策勵衆心今將所保各官兵內逐加

比較擇其前後勞績尤多者開單呈

覽請

旨分別加恩又有賊隊中投出現充四川鄉勇之顧

應全苟璜二名節經隨同官兵打仗並有時假

充教匪誘賊均屬認真報效奮不顧身應一體

懇請

施恩以示激勸其餘該提督保送之人尙多

臣

另行

存記已諄囑楊遇春格布舍傳知各官弁兵勇

等務須益加奮勉如卽將高三馬五擒獲掃淨
餘氛再當核其功績一律奏請

皇上施恩

額勒登保又奏言臣師抵西鄉之三郎舖據楊

遇春等派撥官兵將首逆王廷詔及其隨身所

帶畫像一張經卷二本疏一張一併解送前來

當卽率同三品職銜內閣侍讀學士胡時顯隨

營總理陝安道朱勳等親加審問該犯狡詭性
成自知萬無生理訊以起事根由一味含糊卽
其祖父之名亦不吐露實屬萬分可惡反覆盤
詰始據該犯供年五十七歲係河南西華縣人
伊祖名王珊父名王本德向與鹿邑縣屬陽路
口王家菜園之王姓一同念經燒香該犯所帶
隨身畫像卽係伊祖王珊之影其經文各件據

稱伊祖父所傳該犯於乾隆三十八年找到王家菜園見王發惠之叔王老四維時王發生有十餘歲王老四曾向我說王發生本姓朱是前朝後人四十年上我又在王發惠家住王發惠向我說王發生已經地方官拏去我畏懼逃去衆人如何起事我實不知道嘉慶元年在雙溝地方遇見劉起榮等叫我入營尊我爲老掌櫃

衆人因我輩分大又稱我爲王天叔後來張漢
潮張添倫戴四姚狗腿詹世爵張世龍弟兄高
三馬五等都是大頭目我都到過他們營裡我
近在高三馬五營內被官兵追急他們丟棄牲

口扒上石崖逃走我落後被拏等語

臣

復查該

犯所帶畫像經卷各件尙無悖逆之詞看來不
過藉以煽惑愚民然未加刑訊其所供必有不

實不盡但卽其連年隨賊竊發毒害數省生靈
已屬罪大惡極今仰仗

天威赫濯幸得生擒自當盡法處治使地方遠近凜

然共知

王章之不可犯而邪說之不可信臣師行無定該犯

不便久留在營現已解赴西鄉監禁應將該犯

供詞圖影經卷等一併恭呈

御覽如應解京再加嚴訊俟

命下之日酌派文武官員小心押解起程仰奉

旨無須解京當將該犯寸磔揚灰取其首級傳示各處以快人心而彰

國憲均奏入

上命軍機大臣傳諭額勒登保曰此次額勒登保分飭楊遇春等截剿高三馬五股匪共計殲擒不過

一百二三十人額勒登保以現在餘匪無多飭令
楊遇春等分投搜捕而龍唐等逆分爲二股向得
勝坡文彩溝等處逃竄其紫陽之六道河斑鳩關
一帶亦有龍唐等逆分股之賊竄匿額勒登保渡
江後卽趕赴西鄉之王黑壩一帶相機剿辦所見
甚是昨據德楞泰奏報已赴平利大寧交界處所
遏截龍唐等逆東竄之路今額勒登保又趕至王

黑壩一帶迎探截擊所有此股賊匪卽責成額勒
登保與德楞泰等併力迅速夾擊卽在漢江南岸
悉數殲擒不可稍留餘力其川東雲陽一帶辛陳
湯劉等股現有勒保督同七十五薛大烈等在彼
剿捕自可無庸兼顧至高馬殘敗餘匪僅有四五
百人楊遇春格布舍張鳳等跟蹤追剿又有慶成
九十分路攔截無難剋日掃除額勒登保務卽催

令上緊剿盡勿稍遲緩至冉學勝一股已竄過棧
西長麟現在兩當攔截尙不至深入甘境應卽轉
飭該督卽在兩當一帶奮力殲除不得僅以逼回
陝境了事再現在南山內祇有伍逆及高二餘匪
在彼逃匿勢已窮蹙何以穆克登布豐紳等剿辦
多時尚未殄淨額勒登保更當上緊飭催將山內
零星賊匪迅速掃淨騰出兵力赴漢江南岸會剿

勿令再有牽綴至審訊王廷詔供詞及將圖影經
卷等進呈朕閱經疏內詞語俱係粗鄙不通之詞
斷無信奉之理而匪徒等互相傳習愚民被其哄
誘可惡又復可憫額勒登保當傳知各軍營出示
曉諭以首逆王廷詔擒獲後搜出經卷疏頭皆係
編湊無稽之詞毫無文理王廷詔爲白蓮教首伊
旣被擒其餘各首逆亦必速就殄滅爾等何苦從

逆身蹈陷穽又王廷詔供內有教匪畏罪不敢投
出之語前此節降諭旨除積惡首逆數人外其餘

自賊中投出者概不加罪卽被賊匪割去髮辮面

刺蓮花者但經投出地方官一體收留撫卹務令

安插得所汝等斷不必心懷顧慮如此剴切開導

從賊之人共知得有生路自必相率來投此亦解

散賊黨之一法其擒獲首逆王廷詔出力人員除

楊遇春張鳳格布舍三人前經降旨給予議敘外
藍翎甲兵德勒奇善將該匪抱住始就擒縛實屬
奮勇額勒登保業已遵照前此賞格將該員加二
等賞給五品頂戴花翎並賞給銀二千兩著卽以
三等待衛陞用俟凱旋後卽留京當差二等待衛
噶拉藍翎侍衛定色鼐上前接應亦屬出力著各
加一等陞用侍衛傅陞噶達鼐協領全德清善帶

領馬隊官兵沿途追殺多有斬獲均著交部議敘
清善並著賞戴花翎其餘出力之都司祝廷彪璩
嘉驥著賞換花翎甲兵委官烏爾滾驍騎碩蘭保
守備張玉璧千總馬柱甲兵色克通額多穆布提
兵丁周永明陳連陞李廷玉鄉勇黃璉陳魁朱起
才俱著賞戴藍翎其從賊隊中投出現充鄉勇之
顧應全苟璜亦著賞戴藍翎以示鼓勵其王廷詔

一犯仍遵前旨派委安幹員弁迅速解京盡法處
治至前令窩星額等攜餉犒師原諭令賞給經畧
叅贊兩路軍營今額勒登保所帶官兵多已派交
楊遇春等分帶剿賊若因不在經畧軍營轉不得
賞殊未允協額勒登保素爲公正自必不肯如此
應將此項賞銀分賞楊遇春等所帶兵丁仍由經
畧指定頒賞以昭公溥所有在樊家嶺殺賊陣亡

之都司海進龍著咨部賜卹

上又命軍機大臣傳諭湖北河南各督撫曰額勒登保奏拏獲積年教首王廷詔訊問供詞並搜出經卷等件據稱伊係河南西華縣人經卷二本是伊祖父王珊傳留伊在河南湖北交界地方往來經過遇見燒香念經人家取出經卷無不稱爲老掌櫃子孫共相敬重後因傳教人多被官府查拏受

屈又被地方光棍詭詐借官挾制衆人纔想造反等語向來楚豫地方多有持齋念佛背誦經咒之人惟因地方棍徒借端勒索而地方官公差四出肆意搜拏以致激而生變教匪起事之故實由於此朕節經降旨令該督撫將僅止習教者無庸查辦其有藉傳教滋事者隨時懲治並頒發御製邪教說明白宣示至爲詳盡今王廷詔旣供豫省及

襄陽燒香念佛人數尙多著書麟倭什布吳熊光
等如有真正邪匪借燒香名目作奸犯科者自應
有犯必懲不稍寬貸倘鄉愚無知不過吃齋念佛
並無不法事跡斷不可有意搜拏轉令不肖官吏
多方訛索別生事端也

欽定剿平三省邪匪方略正編卷二百四十三

辛酉年

三月十一日

丁亥

書麟長齡明亮奏言

臣

等分路

兜剿徐逆大股賊眾及戴家營之胡崔楊各逆

全數逼向西南山內

臣

書麟因苟李二逆已向

歸巴一帶狂竄并據獲犯供稱要想逃回川省

之語當即飛飭巴東守卡員弁嚴密防堵旋據

興山縣知縣朱宗騰稟稱據七連坪武生張榮

卿王兆麟等稟稱賊匪由小路潛撲該寨該生
等督率義勇截堵相持半日鎗礮齊發擊斃賊
匪數十名賊匪退由相坪小路翻山西奔已奔

至興巴交界之解家壩一帶而去似有入巴東
長峯回川之勢又據同知尹英圖遊擊孫效前
巴東縣知縣馮振鷺等稟稱探報苟李二逆由
七連坪龍門河分竄已焚搶至郎壩伍家坪獅

子堦有直竄龔家橋之勢距卡不遠又探得龍
門河一帶距卡三十里長嶺上有小路一條險
峻幽僻賊人若從此處偷越可以直從夾板溪
出平陽壩攻我全卡尹英圖挑派軍功武生李
登榜軍功徐陞等帶領鄉勇六百餘名由夾板
溪直至穿心洞扼住果有賊探馬隊一百餘人
步隊二百餘人偷過龍門河佔踞長嶺見我兵

驟至乘勢下壓軍功徐陞向元龍易友坤首先
帶勇衝上仰攻武生李登榜朱承鵬黃飛鵬軍
功朱良一彭秀劉發率衆繼進賊人馬隊四面
衝突當被鎗擊五十餘人滾落山下時已昏黑
賊人抵死抗拒相持一夜並有殺傷次日天色
微明後隊之賊已至約共一千三四百人排立
嶺上分出馬步二隊約四五百人齊力直衝當

經恩施縣鄉勇王有貴將騎馬先來之賊一矛
直透胸後身死鎗手擊斃馬賊數十餘人賊人
因必得攻克此路可以進卡肆擾愈加兇橫該
軍功鄉勇亦奮擊不遺餘力正在萬緊之際遊
擊孫效前督令軍功武生譚殿元文生金校軍
功黃登信姚承習等已到該處帶領各兵勇鎗
礮齊施層層攻進復殺賊一百餘人賊人不能

抵敵貯下長嶺竄入東西二溝我兵盡力追殺
復殺賊入九十名該匪折回原路有上九道梁
之勢距卡漸遠等情

臣

長齡明亮等前在南漳

剿敗該匪之後緊躡跟追行抵遠安確探賊衆
大隊奔竄興山梨子坪其探馬已到石漕溪有
竄近東湖霧渡河之勢

臣

等既恐該匪大隊折

竄北面又須兼顧東南正深焦灼當卽從楊坪

適中前進適值臣書麟派令孫清元吉林泰由

百福頭帶兵前來會合又據探報賊匪分竄高

龍寺蔡家冲一帶查該匪探馬雖向東南其大

隊尙屯二四北設一折回卽係南保大路北面尤

爲綦重臣長齡等與孫清元吉林泰再四籌商

當令孫清元吉林泰帶兵由遠安抄至霧渡河

一帶以絕賊匪東竄之路臣長齡等由百福頭

馬良坪水月寺等處自北面而南邊剿兩路官

兵分投競進自可夾擊合攻隨於二十五日

臣

長齡等以帶奮勇馬步官兵一千三百餘名由

大樹埡鮑子洞冒雨前進二十二日行抵店子

埡擒獲哈喇探賊匪訊稱徐逆等均在尹家坪水

月寺一帶屯聚數十餘里因連日下雨不能行

走多在瓦屋內四散躲雨等語

臣

長齡帶領侍

衛花尙保總管徹布登副前鋒統領希昌阿委
叅領托克團委官青山都司姜元祥王占鰲守
備陳明等直撲中路臣明亮帶領侍衛富翰總

管都當阿協領觀成叅將黃定選遊擊常羣都
司胡報國守備陳應彪等由西溝抄擊並派千
總楊永順驍騎校武爾滾布把總麻光裕黃興
龍等各帶鄉勇繞前山口埋伏適值雨勢漸小

分投競進鎗礮齊發衆賊慌亂不能抵敵立殺
二百餘名追殺二十餘里逼近賊衆大隊該匪
吶喊排立捨命抵禦持矛蜂擁衝撲官兵因山
道泥滑步兵不能得力臣長齡明亮等親率馬
隊左右衝擊賊衆大潰復斃賊三百餘名該逆
等大隊奔及山口經先派之楊永順武爾滾布
等出其不意從溝內奮勇衝出刀砍矛戳立斃

賊匪一百七八十名餘匪亡命奔逃楊永順等
見有年老賊曰衆匪擁護而逃必係緊要首逆
所帶鄉勇本爲趨健首先分投緊追復斃賊匪
一百餘名生擒一百八十三名並將年老賊目
一併擒獲乘隙散出男婦三百餘人搶得騾馬
七十四頭匹刀子旗幟甚多該匪向水月寺山
內遁逃時已酉刻大雨連綿未便窮追官兵只

可暫紮當訊獲賊內有姚光中孫發祥二名係
執旗頭目供稱徐添德大隊紮在淡江尹家坪
一帶直至水月寺張允壽李元帥紮在店子埕
對面房屋內正在商議聞得官兵又向西走我
們邀同徐添德直從南漳下襄陽若官兵折回
追趕又可往荆門一繞馬兵亦再不能趕上本
月間白藍青三號與徐添德張允壽會合又有

黃號亦來合夥共有一萬餘人官兵東追西趕
逃散千餘人連打三回敗仗又折二千餘人此
時三營不過六七千人今日天雨不料官兵到
來等語當將該二犯寸磔並有黃正魁一犯年
已七十餘歲身帶箭矛各傷甚重不能取供惟
自認係老教首不諱亦卽臠割內有從賊最久
殺人放火者八十三名一併正法其餘李子彬

第五十三卷 夏 新 卷 三 五
等均係被擄人民並散出難民併交同知阿霖
分別遠近給與路費妥爲安插辦理此次打仗
兵勇間有傷亡者容俟查明咨部辦理

臣書麟

並接孫清元吉林泰來信於二十七日趕抵東
湖探聞賊匪在高龍寺紙舖談家壩一帶卽於
是日五鼓帶兵進剿該匪見有官兵俱向西南
半壁壩大峽一帶狂竄查該處卽可由興山而

入房保該匪現在分股掠食又欲牽綴官兵或
卽前奔或繞道折竄均未可定查霧渡河實爲
東湖當陽荆門扼要門戶現在卽由霧渡河一

帶跟蹤追剿絕其東趨之念逼至西向以期兩

面夾擊等語

臣

書麟因勒保知會雲開等縣賊

匪勢蹙東趨本在川楚邊界督率侍衛呢瑪善
副將朱士奉叅將曹星等分股堵截竄近餘匪

隨時殲戮不使一匪竄入並據探報提督七十
五總兵薛大烈分水陸兩路抄至奉節巫山等
縣截剿擒斬甚多餘匪潰散自可無虞竄入楚
境現據保康縣知縣楊開鏡稟報初一日辰刻
徐張二逆馬步頭股賊匪由該縣之歇馬河快
活嶺奔竄該令督率各寨洞義勇分段堵截聯
絡聲勢該匪不敢由北路行走已刻卽折向西

竄已至歐家店其勢由壽陽柏木坪入房縣賊
匪大隊尚在後界坪龔坪等處俱係興山地方
至賊尾尚在東湖界內等語臣書麟卽帶領官
兵折回房縣探迎截剿以期三面有兵仰仗

天威或可卽爲蕪事再二月二十八日接據署均州
事吳文璟稟報賊在均房交界分竄滋擾當經
督勵鄉勇設卡堵禦旋據鹽池河鄉勇首領楊

賀忠等稟稱賊匪攻撲太平寨時有奉派巡防
之首領王漢雯等帶領兵勇跟蹤追剿當經前
後來攻施放鎗礮擊斃馬步賊匪二十四名內
有身背包裹騎馬賊一名捨命狂奔被鄉勇殺
死解看包內係宜昌鎮印信一顆鄉勇陣亡十
一名等情該署州隨卽馳赴該處查看實係嘉
慶四年八月十一日賊擾時遺失湖廣宜昌鎮

總兵官關防並無殘缺賊匪見兵勇勢盛卽行
遠竄所有奮勇殺賊之鄉勇該署州先行分別
獎賞宜昌鎮關防帶回州城封固貯庫等情當
卽飭令該署州將宜昌鎮總兵關防解送襄陽
並飭安襄鄖道依精阿查驗屬實再行移交藩
庫以便咨部請銷奏入

上命軍機大臣傳諭書麟長齡明亮曰此次書麟等

分投剿辦徐張苟李等逆連日接仗前後殲擒賊
匪一千餘人未令竄越巴東邊卡所辦俱好惟首

逆徐添德及張允壽苟李等逆未能擒獲一人尙

在楚省奔竄必須上緊殲除方可肅清楚境前因

著名首逆徐添德王廷詔高二馬五高三於諸賊

中最爲兇悍特懸重賞旋據德楞泰奏報在陝省

殲戮高二額勒登保奏楊遇春一路生擒首逆王

廷詔是首逆五人中陝省已殲擒二名其高三馬
五二逆現經長麟楊遇春截剿勢甚窮蹙日內卽
可成擒惟徐添德一犯尙在湖北竄匿日久未能
殲獲書麟等可不加倍奮勇乎試思長齡到楚不
及一載未曾殲一首逆祇因其帶兵剿賊屢有勝
仗卽陞授湖北提督明亮近日帶兵頗知振奮亦
已擢爲總兵書麟到楚以來疊加賞賚昨又因捐

廉助賑給子加級伊等並無勞績出衆之處朕已
如此加恩若能將徐添德尅日殲擒其功甚大不
但官員兵丁等照前旨陞賞書麟等亦必加恩給
予世職該督等惟在確探賊蹤指示將領官兵設
法擒捕無論何人出力擒賊伊等皆屬有功現在
賊匪旣不能竄越巴東向房保西竄書麟已帶兵
折回與長齡明亮三面攔截更可乘此賊勢潰敗

之時速將首逆殲擒同膺懋賞伊二人皆多年宿將歷練老成何必專待經畧叅贊入楚方可成功耶至同知尹英圖遊擊孫效前督率軍功鄉勇奮力截賊多有斬獲著交部議敘鄉勇王有貴等持矛戳斃騎馬當先之賊實屬奮勇著卽拔補外委若不願出仕卽著以頂戴榮身又所奏殺死騎馬賊匪搜獲宜昌鎮總兵印信之鄉勇著該督查明

姓名賞給外委以示獎勵

同日勒保奏言臣接據託雲泰報稱自從雄板

欖彭家山兩處剿殺樊冉等股餘匪之後因此

起賊匪止在老林內零星散竄或數十人或一

二百人遇兵卽逃頗難搜捕二十三日師次沙

壩場探有賊匪二三百人潛匿沙光子地方託

雲泰先派都司孫斯禮等帶領兵勇由張湖山

繞出賊前埋伏該鎮卽督同叅將李芝榮等由
白馬廟進發詎賊知兵來先已竄遁我兵追至
觀音巖山頂將賊奮力撲壓下山卽值伏兵衝
出兩面截殺殲斃僞先鋒李應圭並賊匪一百
二三十名生擒僞總兵趙士良總旗號王發祥
並活賊八十四名大小旗十六面鎗矛一百三
十六件牛馬九頭匹訊據趙士良供稱係苟文

明手下餘黨本有一百餘人在老林藏匿近有
冉添泗股內馬總兵李先鋒二人在苑家山被

官兵打散因冉元帥樊掌櫃等不知下落馬總

兵等帶有百餘人到渡口岩與趙士良合夥現

在李先鋒已被殺斃馬總兵不知逃往何處等

語又據太平文武稟報樊人傑王國賢等只剩

二百餘人由雞鳴寺竄至古劍坪攻撲八台山

之白岩寨經寨首魏復虔等率領團勇用滾木
壘石打死探馬五匹戰手四十餘人生擒探馬
頭孫富章并自行投出者三十一名尚剩百餘
名向千江河竄去臣查此一帶俱係老林並因
湯思蛟等尚在圍城遊奕當卽飭令託雲泰帶
兵馳往搜捕并諭令該處各洞寨團勇如果能
將此等零星賊匪協力殲除並將首逆擒殺定

當從優獎賞再據七十五報稱陳魏等逆向太平白沙河奔竄連日行走甚速正在帶兵追剿間二十七日紮營爛池子地方二更後忽有賊匪四五百人由梅子關竄來冒雨分撲營盤均經擊退惟都司羅思舉所帶頭卡鄉勇被賊撲進傷亡十餘名經都司閻俊烈帶兵殺退殲斃賊匪三十餘名生擒劉有白等四名據供此股

賊匪係湯思蛟共有千餘人向在太平大寧老
林往來藏匿因難以掠糧近由團城竄來欲向
溫湯井一帶擄掠探知爛池子紮有營盤湯元
帥說趁此兩夜官兵必不隄防所以派五百人
來撲營盤等語七十五於次日探知此股匪衆
已連夜折竄馬家營老林先應追剿陳魏等逆
是以仍由太平一路進發

臣

現又飛飭託雲泰

令其由馬家營探剿湯逆股匪毋任竄出蔓延
至楊遇春追剿高三馬五等逆來川節據川北
地方官稟報由廣元之水磨壩至南江之栢林
坪陳家峽等處運供軍糧無悞因通江一帶團
寨堵禦甚嚴賊匪折竄西河口楊遇春卽由西
鄉南鄭追賊回陝現據探報連得勝仗擒獲首
逆是高三馬五等股之賊旣未深入川境卽可

毋庸兼顧北路連日春雨霑足白水嘉陵兩江

驟長水二三尺則江防亦可放心

臣

昨至新寧

適阿哈保病愈來營仍令其與薛大烈一路帶

領頭敵馬步官兵一同前進現在陳朝觀等股

餘匪已由東鄉泥溪溝竄至趙塘壩有入通江

之勢

臣

卽日督兵馳往迎截并知會七十五趕

緊追躡兩面夾攻以冀將此股竄匪先行殲淨

早慰

聖懷再前此殲斃首逆徐萬富王士虎所有在事出力人員謹就其實在超眾者擇取數員註明勞績開具清單恭呈

御覽可否仰懇

逾格鴻慈卽予獎賞抑或俟大功告成再予

加恩之處伏候

聖裁奏入

上命軍機大臣傳諭勒保曰川東陳魏樊冉等股竄
匪經託雲泰等帶兵剿殺先後斃賊一百二三十
名生擒賊八十餘名及偽總兵偽先鋒等所辦尙
好惟樊人傑一股剩有一二百餘人在古劍坪攻撲
白岩寨茲經官兵剿敗祇剩有百餘名爲數無多
此次仍未能將餘逆殲除並將樊逆生擒殊爲可

惜前因著名首逆徐添德王廷詔高三馬五高三
於諸賊中最爲克悍特懸立重賞此五逆中有能
殲斃一名者官員卽加二等陞擢兵丁卽超補守
備並賞銀二千兩其餘如樊人傑冉學勝龍紹周
臨陣殲擒一名官員加一級陞擢兵丁卽拔捕千
總賞銀一千兩自降旨以後旋據德楞泰額勒登
保先後奏報將高三王廷詔擒殺俱照前旨陞賞

若勒保等一路官兵能將樊逆擒獲卽當照前旨一體陞賞勒保惟當督飭專辦此股之託雲泰並曉諭該處寨勇等乘賊匪殘敗之時趕緊剿辦悉數殲除務將樊逆擒獲或臨陣殲斃毋令該逆奔竄日久又致多有裹脅其川東各股竄匪經勒保督飭官兵分投剿捕未令深逸入川勒保自可毋庸兼顧惟該省江防最爲緊要雖據稱白水嘉陵

兩江現經春雨連綿水勢驟長二三尺但仍恐有零星賊匪乘間偷渡總宜隨時留心督飭防江文武加意巡防不可因江水長發稍有疎懈

上諭內閣曰勒保奏軍營實在超衆出力員弁兵勇等註明勞績懇恩獎賞現在大功指日告成自應特沛恩施以示鼓勵副總管巴圖魯傅森額著賞給額外總管驍騎校那彥泰著賞戴花翎都司羅

思舉著賞給蘇勒芳阿巴圖魯名號額外藍翎長
海靈阿副前鋒校奇成額俱著賞給額外前鋒校
外委桂天元披甲佛朔爾披甲委官色爾古慎前
鋒委官額勒經額貴州兵丁保芝歡王得先伍國
祥朱正華陳永勝鄧洪先四川兵丁王登高袁文
仲馬士榮何永壽胡定興薛文魁馬永陞鄉勇張
貴王良才李得勝楊大剛等俱著賞戴藍翎

同日

上諭內閣曰楊遇春前在副將任內丁憂時經惠齡等奏請仍留軍營帶兵彼時楊遇春職分尙小亦未著有勞績當准其留任未經別有加恩嗣因其帶兵打仗屢著軍功是以洊陞總兵簡用提督茲楊遇春已屆服滿兵部照例題請實授因思伊兩年以來身歷戎行未能回籍經理喪葬殊堪軫念

著揚揆於藩庫內撥銀三百兩賞給楊馮春原籍
家屬以資費用並著勒保將恩旨傳知該提督令
其無須分心家務惟當倍加感奮剿賊立功俟軍
務告竣卽當賞假令其回籍省視墳塋以示體恤

十二日戊子長麟奏言竊臣由沔縣帶兵入甘距

賊七百餘里賊匪奔走迅速晝夜不停臣趕抵

甘省之太陽寺據報賊匪已由秦州屬之白楊

渠地方竄過渭河以北查渭河以北如甘省之
清水華亭隆德及陝省之汧陽隴州等處均係
賊匪屢次滋擾之區堡寨完固鄉勇衆多尙可
無慮惟該匪或由靈臺一帶竄往涇州卽可直
入陝省長武縣之北面大山又可由隴州汧陽
竄往陝省北山榆林府一帶查陝省北山一帶
自軍興以來從未
被賊滋擾必須趕
緊兜截將

賊匪逼回渭河以南庶易剿辦惟臣由秦州趕

過渭河以北時賊匪已竄至靈臺縣境相距尚

有三百餘里臣鼓勵兵勇連夜兼程竭力窮追

詎三十初一等日山內嚴冷異常兼以狂風大

雪連日不止兵勇凍斃十數人臣及文武各員

率皆被凍成疾但軍情緊迫臣仍卽設法鼓勵

冒雪衝寒加緊趨行計每日行走一百三四十

里至一百五六十里不等由華亭隴州一帶抄

截並派副將蕭福祿等帶領兵勇由崇信涇州

一帶兜截該匪見有兩路官兵抄出其前不敢

徑行北竄又折向汧陽高崖等處狂奔臣當又

飛札藩司王文湧趕赴汧陽堵截知府崇祿知

州蕭光浩趕赴隴州之花花廟等處堵截該匪

始由寇家河新街子一帶入溝向南奔竄臣卽

帶領兵勇自北向南兜剿奔馳兩晝夜除每日
非一食及露處片刻之外並不稍停初五日追至
秩田池地方距賊不過四十里正在催兵疾馳
前進間該匪探知官兵追近卽馳馬奔至河岸
先有一千餘人乘騎淌渡南岸胡家店地方其
餘八九百人將前起過河之騾馬牽回亦卽一
擁竄過南岸臣所帶馬隊僅有九十餘人其餘

均係步行兵勇比及追至北岸已在二更以後
水深且溜步卒實在不能淌渡現在已於初六
日繞至營頭鎮地方跣淺過河距賊不及二百
里務期尅日趕獲痛加殄戮奏人

上命軍機大臣傳諭長麟曰長麟奏賊匪竄過渭河
北岸分兵兜截仍逼過渭河以南雖未能痛加殲
戮較之任賊在北岸肆擾自爲差勝賊匪旣從甘

省折回奔竄該處沿途卡隘豈無專員防守何以
任其竄過渭河北岸又復乘騎渡過南岸如此往
來自如殊不可解前此長麟曾奏明逐段設卡豈
於此處獨無人防守乎若曾派有專員不能攔截
應查明嚴叅治罪以示懲儆至閱摺內所稱追賊
情形晝夜奔馳日祇一食於露處片刻之外不稍
停留在長麟固已不遺餘力然總未趕上賊匪接

一勝仗日事奔逐徒勞何益現在距賊不及二百

里務當迅速趕上設法攔截斷不可令其竄回陝境尤不得任其竄入南山必須卽在該處奮力截擊不可再有遲緩勉之望之再所稱三十初一等

日狂風大雪兵勇凍斃十數人著長麟查明咨部照軍營陣亡例賜卹至長麟及文武各員被凍成疾諒早經痊癒亦著遇便覆奏

十五日

辛卯

長麟奏言竊

臣

在渭河以北追賊時

聞陝西汧陽縣有新起賊匪一股約二千餘人

勢頗猖獗在汧陽縣屬之武家半山子屯紮

臣

以現追冉逆不克分身隨密札副將蕭福祿帶

領將備兵勇二千餘名連夜趕赴汧陽偵探虛

實相機剿辦初八日接據蕭福祿報稱初五日

二鼓後趕至汧陽縣交界之新集地方正在探

聽虛實適接藩司王文湧署鳳邠道陳學穎來

信內稱汧陽縣新起賊匪於初五日午刻在武

家半山子上屯聚首逆武振關車舉鼎趙興宗

邢三德等四名夥賊二千餘名汧陽令祝大澄

帶領壯勇將首逆武振關擒住賊衆抗拒王文

湧帶領鄉勇前往接應衆寡不敵未能得手鄉

勇間有傷亡請兵往援蕭福祿接信後刻卽整

鑲守備張應昌達生潮李會元由右首溝內取
道進攻遊擊米章守備朱保馬進武生蕭福真

帶領馬隊由對面進攻蕭福祿四路督催各兵

勇剴攻直上詎賊匪亦卽分列四路迎敵兼以

滾木壘石勢如雨下我兵奮力仰攻賊匪依恃

山險毫無畏懼並見有騎馬賊目數人來往催

陣蕭福祿當令左首兵勇停止鎗礮暫緩進攻

使賊匪不知防備以便我兵乘勢搶上山梁賊
匪果將鎗礮撤赴右首及後路迎面施放拒敵
左首僅有木石推落亦不甚緊蕭福祿卽令左
首將備兵勇猛開鎗礮一擁齊上並令先拏騎
馬賊曰張聯奎六品藍翎軍功馬士貴將騎馬
首逆車舉鼎生擒劉伏狄廷杰將賊曰王忠義
生擒五品軍功譚恩六品軍功張鈺將賊曰趙

魁生擒張聯甲六品軍功趙經邦將首逆趙興
宗生擒把總沈培將賊目武敬生擒武生蕭福
真將首逆武振關之子武克祥生擒衆匪登時
散亂我兵四路齊撲搶上山梁立斃賊匪一千
餘人生擒一千二百五十九名口滾崖跌斃三
四百名口奪獲大礮五尊各色旗幟九百餘件
鳥鎗刀矛鏢斧一千餘件已將此股賊匪剿滅

淨盡當於酉時撤兵下山會同藩司王文湧署
鳳邠道陳學穎鳳翔府崇祿進城安撫百姓並
令兵役曉諭此股賊匪已經剿滅所有從逆之
親戚隣佑並不苛求爾等毋庸妄生疑懼但須
守分各安生業百姓聞諭俱各寧帖當將生擒
賊匪一千二百餘名口交王文湧等分別審訊
蕭福祿於初七日仍在沂陽縣彈壓初八日自

汧陽起身趕至大營臣現在帶兵日夜奔馳行

走無定應請將各犯審明卽由陸有仁定擬具

奏至汧陽縣祝大澄平日旣無覺察及該匪於

初五日佔據山梁時臣相距汧陽不過百有餘

里並未接該縣稟報實出情理之外相應請

旨將知縣祝大澄革職拏問亦由撫臣陸有仁併案

審擬再臣所追之冉逆賊匪於初七日竄至鳳

縣屬之唐藏地方臣趕緊抄截該匪又於初八

日由廢邱關竄入碑亭溝可由黑河沔縣畧陽

一帶入川額勒登保因恐臣兵力較單已派總

兵楊奎猷帶兵趕來幫同剿辦不致任其他竄

長麟又奏言據署寶雞縣李承道稟稱訪聞縣

民王延楊居等聚衆糾約從賊李承道於初三

日五鼓親帶壯勇前往查拏各犯恃衆抵拒李

承道竭力攻堵將各犯逼入窰內無路可走自行放火燒斃賊匪五人餘匪冒火衝出當卽拏獲首夥匪犯王延楊居等二十五名並起獲旗幟刀矛驟馬等件逐加究訊據供欲於三月初六日往汧陽縣與車舉鼎合夥臣恐逆匪車舉鼎等所糾之人或尙不止寶雞一縣已密札藩司溫承惠鳳邠道台斐音馳往寶雞汧陽一帶

會同王文湧一面安撫良民一面留心查訪如
並無餘犯卽不必再事苛求轉致激生他故如
尙有應行查拏之犯亦必須設法嚴密妥辦不

可過涉矜張

臣

又飛飭副將蕭福祿帶領兵勇

由寶雞繞道前赴大營俾經過地方百姓共見
兵威壯盛已將車舉鼎新起全股立時剷滅庶
奸宄各知震懾不致再生事端

臣

現在鳳縣暫

行紮營蕭福祿亦於初十日可到俟面詢蕭福

祿如汧陽寶雞等處實可放心臣刻卽拔營追

剿冉逆賊匪查冉逆係於初八日竄出廢邱關

臣於初八日二更後趕至鳳縣相距七十里臣

已於初九日五鼓派委候補協領和興額叅將

羅全亮遊擊陳五輯劉滿貴郭洪都司邊奏凱

等先行趕往追剿並飛札總兵楊奎猷一體剿

辦實可不致貽悞奏入

上命軍機大臣傳諭長麟曰此次長麟在渭河以北
追賊聞知汧陽縣有新起賊匪一面將冉逆逼過
渭河一面飛飭蕭福祿趕赴汧陽相機剿辦將賊
首全行拏獲所辦俱好長麟係陝甘總督不能豫
行覺察本有應得之咎今一聞賊匪起事卽密派
蕭福祿迅往剿辦不致與冉逆合夥不但無過而

且有功著交部議敘並賞給玉搬指玻璃帶版玉
鼻烟壺大小荷包副將蕭福祿一接長麟密札卽
趕抵武家半山分兵四路進剿首夥各匪立就殲
擒著賞給總兵銜仍交部從優議敘並賞給玻璃
搬指大小荷包著長麟查明該副將如未得有巴
圖魯名號卽奏明賞給至擒獲賊首賊目等之遊
擊張聯奎都司劉伏守備狄廷杰張聯甲五品軍

功譚恩六品藍翎軍功馬士貴六品軍功張鈺趙
經邦把總沈培武生蕭福真俱著超一等陞擢並
各賞給磁搬指小刀大小荷包又發去一兩重銀
牌一百五十面五錢重銀牌一百五十面著分賞
蕭福祿所帶出力兵丁以示鼓勵此外如尚有出
力人員並著長麟查明具奏再降恩旨汧陽縣知
縣祝大澄雖帶領鄉勇將首逆擒獲但該縣地方

聚集匪徒至二千餘人該縣平日竟毫無見聞且賊匪佔據山梁之時又並無隻字就近報知總督其咎甚重視大澄著革職拏問交陸有仁嚴訊起釁緣由按律定擬署寶雞縣李承道訪聞縣民王延楊居等糾約起事卽親帶壯勇前往查拏當卽拏獲二十五名不致與汧陽逆犯合夥該縣旣自行查出又能當時擒獲實屬能事李承道著於事

竣後送部引見所有汧陽竇雞擒獲首夥各犯並
交陸有仁訊明起釁緣由分別按律懲辦至首逆
家屬自應緣坐其餘夥匪等家屬俱加恩免其緣
坐並著長麟出示曉諭以汧陽匪犯聚衆滋事官
兵一到立即殄平共計殲擒及跌斃者二千六七
百人其中起意首逆祇有四人其餘多係附和之
徒一朝失足自取滅亡可恨亦復可憫前經疊降

諭旨令各處居民幫同官兵剿賊懸立賞格現經
官兵收獲該匪等器械旗幟不下二千餘件若以
之幫助官兵併力殺賊不惟自保身家并可得官
受賞何苦蓄意謀逆致罹刑誅茲武振關等俱已
就擒所有家屬現經總督奏請無論首從按律緣
坐本應概予駢誅今仰體

上天好生之德俯念愚民無知誤蹈陷阱不忍戮及妻

孥祇將首逆家屬按律辦理其餘各犯家屬概免
緣坐此朕於無可赦宥之中特從寬典爾等具有
天良自當感激再生安分守法如此愷切曉諭更
可安反側而靖人心長麟俟汧陽寶雞等處民情
安帖仍當督同楊奎猷等遍剿冉逆以期迅速殲
除勿任該匪再行折回潛匿漏網

上命軍機大臣傳諭陸有仁曰此次汧陽匪犯武振

關等糾結起事至二千餘人之多假令陝省賊氛
尙熾之時武振關等聚衆助逆尙屬有因乃各股
賊匪疊經官兵剿殺不日卽可蕩平武振關等豈
無聞見何以蓄意謀逆自趨死路且前次降旨令
各處居民幫同官兵禦賊懸立賞格該匪等既有
器械若殺賊立功不但仰邀重賞並可得受官職
何爲去順效逆罔顧身家殊不可解賊匪糾衆竊

發必有起事根由或係各股潰敗之賊潛行勾結
或該匪等本係邪教明孽滋事抑或地方多方派
累激而生變著該撫將以上指出情節詳細研鞫
務得起事確情審明後卽將武振關車舉鼎趙興
宗邢三德四逆凌遲處死家屬按律緣坐其餘賊
目王忠義等著分別辦理免其緣坐至武振關等
聚集二千餘人蓄謀已非一日乃汧陽縣祝大澄

毫無覺察雖經督率兵勇將首逆拏獲而平日未

能整飭地方釀成重案其功不足抵罪如該匪起

釁之由竟係祝大澄肆行科派逼成事端該撫務

當研究明確據實定擬具奏再寶雞縣李承道拏

獲首犯王延楊居等二十五名著交陸有仁一體

嚴訊照汧陽之案止將爲首緣坐餘俱分別辦理

此外有應行查拏之犯當分別妥辦固不可拖累

無辜亦不可疎脫首惡